

上清靈寶大法卷之三十六

仙九

上清靈寶大法卷之三十三

仙六

洞玄靈寶法師南曹執法兼有權童初府右翊治金帛編

昇度符告品

太上洞玄靈寶長生度命無上黃籙

維國號年月朔日某甲子某州鄉貫某人

伏為亡故某人齋意仍就黃籙齋壇乞傳
授太上洞玄靈寶長生度命無上黃籙一
階付亡某人靈魂齋執過度三界證品超
昇仍令受持金籙白簡九真妙戒長生靈
符救苦真符當消九幽大罪標名九宮察

命童子護戒威神五帝直符六宮掾吏自
當隨逐簡文覆護受戒弟子天上人間常
為身寶須至給籙者

三皈依

第一皈依

无上道寶

第二皈依

无上經寶

第三皈依

无上師寶

九真妙戒

一者敬讓孝養父母

二者克勤忠爲君主

三者不殺惡救衆生

四者不淫正身處物

五者不盜推義損已

六者不嗔凶怒凌人

七者不詐諂賊害善

八者不驕傲忽至真

九者不二奉戒專一

符篆

元始符命金錄白簡救苦真符告下十方無
極世界云云一如告命

百二十曹官



長生靈符

符篆

元始符命金錄白簡長生靈符告下南方丹

天世界至一如告命

迴骸起死尊神監生大神帝君品命



仙六

三



受度其人靈魂即日恭詣

黃籙齋壇拜受太上洞玄靈寶長生度命无

上黃籙一階如法受持永充濟拔人間天上

敬信奉行一如

玄科律令

太歲年月 日某州縣黃籙齋壇給

度師法位姓名 押

保舉師法位姓名 押

監度師法位姓名 押

允中原夫道之始也本無形本無文故不

仙六

四

可名不可覩及其析希夷之妙剖混沌之

胎於是昭煥陰陽肇分清濁靈虛孕秀空

洞生神或聚炁而成章或結玄而示象以

致五篇敷落三洞宣行實自然而然應運

降世大可以保制劫運翊贊元綱下可以

陶鑄黎民昭蘇幽顯莫非出於萬道之祖
元始天尊以時宣演立三乘而接物出九
等以度人三洞之書因經而錄降自錄而
法彰道法之行以符爲首亦合之義也蓋
符文生於天地之初而涵乎自然之妙施
於世人可以輔正除邪驅災拯厄用於冥
界則可以超脫九祖濟拔沉魂中古以後
齋法興行洞玄之宗靈風被物遂使修齋
設醮祈告高穹請命頒符煥燭幽夜亦以
符爲先蓋符乃先天之妙炁自然之靈章

奏告而行陰關開秦無所不讓又豈在於
符篆之多名號之異而後可以通感哉近
世執法行科之士類不深究此旨其間所
見不同用心失正臨壇行事求勝於人靈
寶本法正屬洞玄部其為昇度符告如長
生靈符救苦真符破地獄拔幽魂符元始
符命九龍符命登真度命符普告三界符
歷關諸天敕制地祇符四鎮合同符昇天
三券據古法符命如此而已請行符命惟
恐不蒙上帝許容奉行儻得一符可應則

係薦之魂無不可度又豈可以符多爲貴
哉今編出靈寶符命不敢雜用他符亦不
增添他法符命止用洞玄本科告行符命
悉出靈寶正法以全教網故也學者宜詳
辨焉

上清靈寶大法卷之三十三



